

碭山縣志卷之三

建置志

公署 里社

城池 坊表

隄防 橋梁

兵衛 舖遞

國家分設郡縣而建置興城池者郡縣之屏藩也
有城池而隄防隨之矣然非公署則無布政之所
其何能國故先之公署立而後有倉廩有學校有
兵衛有祠祀次第舉之莫或廢焉若夫社以居民
坊以表里集以通貨財橋以濟津渡郵筒以達政
事而建置之事備矣學校祠祀另為一編者事煩
不敢殺也志建置

碭山縣志

卷之三

建置志

一

公署

公署

附倉廩

碭自秦置郡縣後其聽訟之所遠不可稽稽之
自明始然水患頻仍遷徙亦靡定矣後之居是
宅者試取是編觀之知經始之不易時加葺焉
不亦善乎

舊縣治

在今治東市中直懷保門唐宋以來悉治此

金興定間圯於河遷虞山南保安鎮元至元
間復還舊治一元季燬於兵洪武三年知縣邵俊傑
復建二十五年火永樂三年知縣郝圯重建成化
五年知縣張夢輔改修正德七年復燬於兵十年
知縣劉守恒重建嘉靖四十一年復圯於河遷治
小神集四十四年知縣崔元吉復還舊治隆慶六
年知縣王廷心卿增修萬歷二十六年復圯於河知

縣熊應祥
改遷今治

今縣治
明知縣熊應祥建
在新城中計七進

大門五間 儀門七間 大堂五間 二堂五間 三堂三間

四堂三間 宰樓三間 戒諭樓在儀門內中道

福神祠在大門內東 東西六房在儀門內

皂隸房在月臺前 官庫在大堂東

禁獄在儀門內西

主簿署在縣治東今圯

典史署在縣治西

碭山縣志 卷之三 建置志 二 公署

教諭署 訓導署俱在明倫堂後明知縣熊應祥建今圯

預備倉在治內主簿宅前明知縣熊應祥建舊又有四所一在崇教坊一在大彭社一在趙九社

一在浮溝社俱久廢

常平倉在縣儀門內西明知縣朱之揚建

義倉 社倉俱在明萬歷間知縣陳秉良建

養濟院在縣治西明知縣熊應祥建

育嬰堂在縣治東俱見萬歷州志

演武廳舊在城南隅明知縣熊應祥改建西郊占地二十畝

附錄

察院 舊在縣治南明隆慶間知縣熊應祥遷儒學東

醫學 在縣治大門右俱久廢

陰陽學 在縣治大門左

譙樓 即燕喜臺元延佑三年知縣杜郁因臺址為樓泰定四年知縣孟直復修後廢

鐘樓 鼓樓 俱明永樂三年知縣郝圮建

小公館 在西門內

毛城舖公館 在毛城舖明知縣朱之揚建久廢

西鎮店公館 在西鎮店朱之揚建久廢以上見州志

碭山縣志 卷之三

建置志

三

公署

城池

王公設險以守國計久安耳即孟子策滕曰鑿曰築外非所及焉兩者固保障斯民之要務也况碭衝河流數圯數遷者乎避淪胥之患收禦寇之功景慕前軌則有熊宋二公之偉績在

碭在秦漢時為郡國其城最久金興定間罹水患城始堙遷邑虞山保安鎮今為永城縣境其地石刻碭山縣三大字及儒學櫺星門石柱猶存元至元時還舊地即今治尙未建城明正德八年知縣李

金創築土城高九尺五寸週圍一百六十八丈隍
深一丈爲門五外護以隄周九里有奇後以河患
稍圯嘉靖中副使王挺令重修植柳其上二十六
年知縣王紹元請增築重植柳以爲障嘉靖四十
一年河決陷沒城隄僅存遺址隆慶間知縣王廷
卿重創築城高加至一丈八尺基廣三丈建五門
東曰從龍西曰崇德北曰仰高南門左曰永賴右
曰懷保其西水門在懷保門西東水門在永賴門
東以洩城中注潦隄及郭廓亦大加增築高濶倍

礪山縣志

卷之三

建置志

四

城池

昔萬歷二十六年秋又爲水沒基址亦蕩然無存
知縣熊應祥改遷舊城西里餘秦家堂築土城甃
堞高一丈五尺基廣三丈周八百四十丈二尺建
門四各有樓東曰景雲西曰瑞洛南曰永保北曰
企寧門外各留馬道三丈內亦各留馬道南二丈
東西北各一丈五尺隍深一丈廣五丈永保門東
西皆有水門洩城中積滂礪城取田字形四門正
對至二十八年工始竣自是始有規模計占民地
一頃九十七畝零將原存入官之地照數補民爲

業厥後又歲遭霖雨城多圯知縣朱之揚陳秉良相繼修築未幾又圯四十八年知縣蔡一熊以官民廢地申請變價得十之一改建甃城修四門樓更揆雲諸名築羊馬墻於城下濬廣濠於城外鑿井十二眼於城內崇正十二年知縣劉芳復加修濬城隍益高廣至

國朝康熙三十七年知縣柴爾皓鄉紳汪潤又捐金修

葺郭志

隄防

凡隄防屬黃河者見河渠志茲不重載

碭山縣志

卷之三

建置志

五

城池

隄防之設所以禦水災也碭濱大河其籍以捍衛者尤重是以城建而隄亦建焉當縣令熊應祥草創方完洪濤突至浸繞匝月而城卒賴以無虞者非隄防之力與

護城隄高一丈二尺濶四丈週圍一千二百一十四丈仍植楊柳千株以為外護所占民地一頃一十七畝七分八釐七毫將原入官地照數補民為業邑北數里許新築縷水隄一道西至虞城界歷碭至蕭縣界止黃河北岸舊縷水隄一道西至單縣

界歷碭至豐縣界止新築順水大壩一道以防隄之害其占民地俱除差以上三隄一壩縣令陳秉良尤加意民瘼嚴設穴可護更廣植楊柳凡有缺仆時爲增補務俾土堅樹蕃上供漕運枝柳之需下捍河伯衝決之患保障之功百世永賴之矣

兵衛

前志失載兵衛今錄其可考者于後其分防河工者仍見河防志

國家誕敷文教享太平之福久矣何事於兵衛哉然書稱克詰易戒不虞誠慎之也且嚴查保甲以弭盜源尤守土者之要務焉

碭山縣志

卷之三

建置志

六

隄防

明

崇正六年置碭營守備在碭山縣趙家園

初設把總尋改

守備統中軍掌號左

哨右哨五百名府志

按嘉靖舊志衛兵之外別有民壯碭山縣一百七十六人初正統間以天下衛兵耗弱令各州縣籍民爲兵守禦其土皆以十年更編諸邑乃據初籍爲定子孫世役之雖流亡亦不得去其籍至爲里甲累民恒苦之嘉靖中副使王挺議如他郡例編易之仍著爲令天啟崇正間豐沛

陽諸邑各團練鄉兵皆因有事暫設非經制也
府志

國朝

順治三年經制陽山營改為漕標蕭營守備一員
千總一員把總二員額設兵丁五百名駐劄蕭
營

順治七年奉

旨裁汰千總一員把總一員兵丁三百名

順治十八年畫地分兵在於蕭營額設官兵內派

陽山縣志 卷之三

建置志

七

兵衛

撥把總一員馬步兵丁六十名駐劄陽山縣
防城池門禁倉庫禁獄各鄉村集鎮地方護送
往來損鞘軍流逃盜諸差使

康熙十一年奉

總督部院麻因蕭陽地廣兵單 題請江陰營
馬步戰守兵丁撥歸蕭營一百四十一名內分
撥馬步戰守兵丁二十名添防陽山縣

康熙三十年以後蕭防陽山縣馬步兵丁八十名
內陸續奉行裁除二十名至雍正七年收歸河

標管轄

把總一員每年俸薪銀三十六兩

馬戰兵二名每名每年餉銀二十四兩共銀四

十八兩

步戰兵五名每名每年餉銀十八兩共銀九十

兩

步守兵五十三名每名每年餉銀十二兩共銀

六百三十六兩

把總自備馬二匹每匹每年乾銀十二兩六錢

碭山縣志

卷之三

建置志

八

兵衛

共銀二十五兩二錢

兵戰馬二匹每匹每年乾銀十二兩六錢共銀

二十五兩二錢

馬步戰守兵丁六十名每名每年米三石六斗

共米二百一十六石 水折各半春冬二季

每名折色銀一兩三錢五分共銀八十一兩

夏秋二季每名本色米一石八斗共米一百

零八石

以上俸餉乾折每年共銀九百四十一兩四錢

俱由本營都司在於徐州府庫支領共米一百零八石俱由本營都司在於淮安府庫支領

附錄墩堡

碭邑舊無墩堡西鎮集回龍集楊家集北鎮集汪家集謝家集每處汛兵二名防守俱借民房廟宇居處

碭山縣志 卷之三

里社 附店集

建置志

九

兵衛

戶盡絃歌人皆耕鑿熙熙乎太平衢巷也克勤克儉以保以安則和風化日長徧閭閻矣

坊四

崇教坊

庸信坊

居仁坊

興化坊

社二十一

東張社

陳村社

渠城社

趙九社

原奉社

柳莊社

大彭社

青台社

浮溝社

子乾社

雙溝社

段莊社

蒲蘆社

使莊社

封池社

馬昂社

忠義社

興禮社

保安社

務本社

重安社

碭山縣志

卷之三

建置志

十

里社

右城社編戶二十五里

店二

西鎮店

在縣東五十里舊有公館

王達店

在縣西三十五里

集二十六

市集興廢不常今據現在者書之舊志所錄不復見也

東鄉禮河集

在縣東二十五里

汪家集

在縣東四十里

翟家樓集

在縣東二十五里

朱家店集

即趙九集在縣東二十五里

回龍集

在縣東南三十五里

劉湯集

在縣東十八里

大成集

在縣東三十里

賈家寨集

在縣東十二里

周家集

在縣東四十五里

鳳鳴集

在縣東四十七里

丁家集

在縣東二里

南鎮集

在縣南二十里

西威家集

在縣西南十五里

吳家集

在縣西十八里

黃家集

在縣西二十五里

北順應集

在縣北五十里

寶家集

在縣北二十五里

孫家集

在縣北四十里

北鎮集

即馬良集在縣北四十里

碭山縣志

卷之三

建置志

十一

店集

坊表

建坊自元朝始今失考惟從明撫入雖廢猶存

者示勸焉

明

崇教坊

在舊縣東見嘉靖州志今廢

庸信坊

在舊縣西見嘉靖州志今廢

進士坊

在舊縣東洪武四年為倪鼎立今廢

柱史坊

在舊治南洪武十九年為監察御史朱安立今廢

進士坊

在舊縣東門外永樂十六年為趙益立今廢

登科坊 在舊城正德二年為舉人王懌立今廢

進士坊 在舊城正德三年為李穩立今廢

彩鳳坊 在舊城為御史李穩立今廢

鴻臚坊 在舊城正德間為鴻臚寺署丞劉濬立今廢

錦衣坊 在舊城為錦衣衛百戶武振立今廢

貞烈坊 在舊城北郊外為烈女王守仲未娶妻程氏立

貞烈坊 在舊城為烈婦謝文煥妻程氏立

貞節坊 在舊城北門內為節婦許璟妻劉氏立

貞烈坊 在治西城隍廟南為劉崇基妻李氏立

碭山縣志

卷之三

三

坊表

貞烈坊 在西關外為烈婦張文煥妻注氏立

國朝

旌孝坊 在毛城舖北為孝子王世權立

烈女坊 在西關外為徐禹治女魏典聘妻立

烈女坊 在定國寺東為戴允謙聘妻杜氏立

貞節坊 在河北龐家莊為監生龐猶龍妻臧氏妾郝氏立

貞節坊 為朱魁妻陳氏立

貞節坊 在東門內為注釗妻曹氏立

貞節坊 在北門內為庠生黃瑞璋妻注氏立

貞節坊 在學宮前為王廷璋妻吳氏立

貞節坊 在學宮東為貢生汪在洲妻張氏立

貞節坊 在城西二里許為紀鼎耀妻汪氏立

貞節坊 在河北為張維則妻李氏立

貞節坊 在忠義社為徐鑰妻吳氏立

貞節坊 為徐法輅妻賈氏立法輅即鑰子乾隆二十九年同建

貞節坊 在忠義社為李濟舟妻徐氏立

貞烈坊 在南門外為劉大倫妻錢氏立

貞烈坊 在青台里為趙富初妻宋氏立

碭山縣志 卷之三

建置志

三

坊表

節孝坊 在封池里為庠生王之彬妻李氏立

橋梁

四郊平衍絕少津渡故橋梁亦稀

鞏濟橋

在縣東門外明天啟二年知縣張兆璋環新造稍遠僅存其一名鞏濟

狐父橋

在縣南三十五里明永樂間知縣周宗昕建史記曹參破秦軍取碭狐父即此地

夏家橋

在縣東三十里

五主舖橋

在縣東三十五里

雙節橋

在縣南六里永定溝橋西北八步墓仝器妻連氏東南四十八步墓馮學舜妻葛氏故名

劉姑橋

在縣東南二十里許紀家窪劉姑不嫁以養其父母父母死墓窪側姑日夕涉水省墓鄉

碭山縣志

卷之三

古

人憐之為造橋

舖遞

置郵傳命固上下咽喉也所係豈細故哉驛遞之外復設舖遞郵政之法良矣

舊設馬二匹夫一名差夫五名久裁

府志

縣舖司兵共十一名總舖在縣治大門內東路有張

家井舖鄭家樓舖毛城舖柴市舖西鎮舖達蕭縣

趙家圈舖

舊志縣東有七里舖趙九舖縣北有十里舖濁河舖張清舖並廢

舊州志云碭邑舖止設達蕭

縣一路其北路豐縣西路河南永城縣雖係接壤
實無額設舖兵傳遞公文凡有公移皆由蕭縣入
本州總舖一分沛縣達豐縣
一分宿州達河南永城縣

碭山縣志

卷之三

建置志

五

舖遞